



## Headlines

- प्रधानमंत्री नरेन्द्र मोदी होरें आकखेआ ऐ जे 2024 दे लोकसभा चुनां शड़ा सरकार बनाने आस्तै गे नेईं सगुआं भारत गी विकसित राष्ट्र बनाने आस्तै न।
- जम्मू कश्मीर दी उधमपुर लोकसभा सीट लेई पैहले चरण तैहत 19 अप्रैल गी वोट पोआए जांगन। कुल 16 लख 74 जहार 277 मतदाता चुनां मैदान च खड़ोते दे 12 मेदवारें दी किस्मत दा फैसला करगंन।
- राहत ते आबादकारी मैहकमे आस्सेआ कश्मीरी विस्थापितें लेई विशेष कैंप आयोजित कीते जांगन।
- जम्मू कश्मीर पुलस दे 1 जहार शा मते सखेत्तरू अधिकारिएं गी जम्मू कश्मीर च फौज दे आतंकवाद रोधी वाईट नाईट Corps Battle स्कूल च सिखलाई दित्ती जा'रदी ऐ।



## BJP-PM

भारतीय जनता पार्टी दे वरिष्ठ नेता ते प्रधानमंत्री नरेन्द्र मोदी होरें कल उत्तर प्रदेश दे मेरठ च बीजेपी दे लोकसभा चुनां अभियान दी शुरूआत कीती। इक अवामी जलसे गी संबोधत करदे होई श्री मोदी होरें आकखेआ जे 2024 आला लोकसभा चुनां शड़ा सरकार बनाने लेई नेईं ऐ सगुआं भारत गी इक विकसित राष्ट्र ते दुनिया दी त्री सब्बने शा बड्डी आर्थिक महाशक्ति बनाने लेई ऐ। उनें गलाया जिसलै भारत दुनिया दी 11मीं सब्बने शा बड्डी अर्थबवस्था हा, उसलै भारत दी गरीबी दर बधा'रदी ही। प्रधानमंत्री होरें गलाया जिसलै भारत 5मीं सब्बने शा बड्डी अर्थबवस्था बनेआ ते 25 करोड़ शा बद्ध लोक कामयाबी कन्नै गरीबी थमां बाहर आए। उनें गलाया त्री सब्बने शा बड्डी अर्थबवस्था बनने परेंत भारत च गरीबी दूर होग ते मध्यम वर्ग भारत दे विकास गी बढ़ावा देग। श्री मोदी होरें आकखेआ अज्ज दुनिया भर च भारत दी साख बधा'रदी ऐ। प्रधानमंत्री होरें गलाया जे ओह देसै गी भ्रष्टाचारिएं थमां बचाने लेई इक बड्डी लड़ाई लड़ा करदे न ते इस्सै करियै ओह लोक जेहड़े भ्रष्टाचार च शामिल हे ओह सलाखें पिच्छे न।

भाजपा नै मेरइ लोकसभा हल्के थमां टीवी धारावाहि रामायण च श्री राम दा किरदार नभाने आले ते एहदे राएं मशहूर होए दे अरुण गोविल होरें गी अपना मेदवार बनाया ऐ। इस मौके पर केइं सारे भाजपा नेता ते होर दुए मन्ने परमन्ने दे लोक मजूद हे। उत्तर प्रदेश च 7 गेड़ च मतदान होना ऐ।

<><><><><><>

## Key

केन्द्र शासत प्रदेश जम्मू कश्मीर गी दऊं भौगोलिक खित्ते कश्मीर घाटी ते जम्मू च तकसीम कीते गोदा ऐ। जम्मू कश्मीर दा रकबा 2 लक्ख 22 ज्हार 236 वर्ग किलोमीटर ऐ, जेहड़ा देसै दे कुल रकबे दा 6.74 ते आबादी तकरीबन 1.56 करोड़ ऐ। कुल मतदाताएं दी गिनतरी 86 लक्ख 92 ज्हार 646 ऐ जिंदे चा 44 लक्ख 35 ज्हार 541 मर्द ते 42 लक्ख 56 ज्हार 946 महिला न। इस केन्द्र शासत प्रदेश च कुल 5 संसदीय हल्के न जिंदे चा 2 जम्मू संभाग ते 3 कश्मीर संभाग च औंदे न। जम्मू संसदीय हल्का ते उधमपुर संसदीय हल्का केन्द्र शासत प्रदेश दे कुल 20एं जिलें चा 8 जिलें गी कवर करदा ऐ। उधमपुर संसदीय हल्के च पैहले गेड़ दरान 19 अप्रैल ते जम्मू संसदीय हल्के च दुए गेड़ च 26 अप्रैल गी मतदान होग।

<><><><><><>

## Women Deciding

बीजेपी दे वरिष्ठ नेता ते केन्द्री मंत्री डॉ. जितेन्द्र सिंह होरें आक्खेआ ऐ जे लोकसभा चुनाएं च महिलाएं दी भूमका बड़ी महत्वपूर्ण ते नतीजाकुन होग। डॉ. सिंह होर उधमपुर लोकसभा सीट थमां बीजेपी दे मेदवार न। उनें आक्खेआ जे मोदी सरकारै महिलाएं दिएं समस्याएं बक्खी ध्यान दित्ता ऐ। डॉ. सिंह होर कटुआ, स्वान चक्क ते कीड़ियां गंडेयाल च चुनावी रैलिएं गी संबोधत करै करदे हे.....

<><><><><><>

## MCC Viotation

निर्वाचन आयोग नै चुनां अवधि दरान आदर्श आचार संहिता दी खलाफवर्जी दी रिपोर्ट करने आस्तै नागरिकें लेई इक ऑनलाइन एप्लीकेशन शुरू कीती ऐ। आकाशवाणी जम्मू संवाददाता दी रिपोर्ट मूजब इस ऐप गी “सी-वीजिल” आक्खेआ जंदा ऐ। एह मुख्य दे उनें सौहगे नागरिकें आस्तै ऐ जेहड़े आजाद ते निरपक्ख चुनां कराने च सक्रिय ते जिम्मेदार भूमका नभाई सकदे न। सी-वीजिल ऐप पर आदर्श आचार संहिता दी खलुवर्जी दी जानकारी हियोंे गै इसी जांच आस्तै फ्लाइंग स्काड कश भेजी दित्ता जाग।

पंजीकृत शकैत दे मामले च नागरिक गी अपनी शकैत दी स्थिति गी ट्रैक करने दी इजाजत देने आस्तै इक टकोहदा आईडी नंबर दित्ता जंदा ऐ। बगैर पंछान दस्सदे दे कीती गेदी शकैत आस्तै कोई बी पंछान संख्या नेई दित्ती जाग। होर मती जानकारी आस्तै नागरिके गी निर्वाचन आयोग दी आधिकारिक वैबसाईट <https://www.eci.gov.in> पर जाना होग। एह ऐप एंडरायड ते आईडीएस दौने पर उपलब्ध होग।

<><><><><><>

## Migrant Voters

राहत ते आबादकारी मैहकमा जम्मू कश्मीर च बक्ख-बक्ख थाहरे पर कश्मीरी विस्थापते लेई खास जागरूकता शिविरे दा सरिस्ता करा'रदा ऐ। इस दरान विस्थापते गी मतदान सरबंधी बक्ख-बक्ख स्कीमें बारे जानकार बनाया जाग। मौके पर गै एम फार्म ते फोरम 12सी अटैस्ट कीता जाग। आकाशवाणी जम्मू संवाददाता दी रिपोर्ट मूजब पैहला नेहा शिविर विस्थापित कैप नगरोटा च 3 थमां 7 अप्रैल बश्कार कीता जाग। इस्सै चाल्ली दा शिविर 4 थमां 7 अप्रैल 2024 दरान पुरखू कैप स्थित शिव मंदी च लगगोग। इस्सै चाल्ली मुट्ठी आले माइग्रेंट कैप च 8 थमां 10 अप्रैल तगर शिविर लाया जाग। उधमपुर दे शारिका माता मंदर च बी इक विशेष शिविर 8 थमां 10 अप्रैल गी लगगोग। बोहड़ी दे संजीवनी शारदा केन्द्र च 10 थमां 13 ते दुर्गा नगर च 13 थमां 14 अप्रैल गी शिविर लाया जाग।

<><><><><><>

## INDI Alliance

इंडी गठबंधन नै दिल्ली दे रामलीला मैदान च महारैली दा सरिस्ता कीता। एह रैली दिल्ली दे मुखमंत्रि अरविंद केजरीवाल हुंदी गिरफ्तारी सनें बक्ख-बक्ख मुद्दे पर विरोध जाहर करने लेई कीती गई। कांग्रेस अध्यक्ष मल्लिकार्जुन खड़गे होरे कथित तौर पर दोष लाया जे केन्द्र सरकार विपक्षी दले गी धमकाने आस्तै संस्थाएं दा गलत इस्तेमाल करा'रदी ऐ। उनें एह बी आकखेआ जे इस चुनां च कुसै बी चाल्ली दी बरोबरी नेई ऐ। खड़गे होरे आकखेआ जे एह चुनां लोकतंत्र ते संविधान गी बचाने आस्तै ऐ ते विपक्ष गी इक जुट होइयै लड़ना लोड़चदा। महारैली च कांग्रेस नेता सोनिया गांधी, राहुल गांधी, प्रियंका गांधी, आप दे नेता ते पंजाब दे मुखमंत्रि भगवंत मान, जेल च बंद दिल्ली दे मुखमंत्रि अरविंद केजरीवाल हुंदी घरै आली ते गठबंधन दे होर नेता इस महारैली च शामिल होए।



संस्कृति विभाग दे प्रधान सचिव सुरेश कुमार गुप्ता होरें अपने समापन भाषण च आक्खेआ जे इस उत्सव दरान लोकें गी खित्ते दे कलाकारें दे हुनर ते काबलियत कन्ने वाकिफ करोआया गेआ ।

<><><><><><>

## NTA-CUET

राष्ट्रीय सतह पर मतेयान लैने आली अजेंसी एनटीए नै सीयूईटी अंडर ग्रेजुएट 2024 लेई दरखास्तें गी ऑनलाइन जमा करोआने दी खीरी तरीक 5 अप्रैल तगर बधाई दित्ती ऐ। एनटीए मूजब मेदवारें ते होरने दुए सरबंधत लोकें थमां हासल अपील गी ध्यानै च रखदे होई तरीक गी अग्गे बधाया गेआ ऐ। एहदे च आक्खेआ गेआ ऐ जे मेदवार सहूलत आस्तै फोटू लग्गे दे स्कूल दे आईडी पंछान पत्र जां कुसै सरकारी आईडी दा इस्तेमाल करी सकदे न। एनटीए बक्ख-बक्ख केन्द्रीय यूनिवर्सिटिएं ते होरने इदारें च दाखले लेई मतेयान लेंदी ऐ। सीयूईटी-यूजी 2024 मतेयान 15 थमां 31 मई बश्कार होने न।

<><><><><><>

## Highway

बिजबिहाड़ा अनंतनाग दे नेड़े एनएच-44 कश ब्हाई पट्टी दा दर्जा बधाने ते मरम्मती आले किश जरूरी कम्मेंगी दिक्खदे होई अज्ज ते कल बड्डी गड्डिएं जियां ट्रकें-टैंकरें बगैरा गी जम्मू थमां रीनगर जाने ते रीनगर मिमां जम्मू औने दी इजाजत नेई दित्ती जाग। ट्रक डरैवरें गी एह सलाह दित्ती गेई ऐ जे ओह अज्ज पैहली अप्रैल गी बडलै 4 बजे शा लेइयै 2 अप्रैल गी संजा 7 बजे तगर जम्मू श्रीनगर राष्ट्री जरनैली शिड़क पर सफर नेइं करन। उआं हौली मोटर गड्डिएं गी ऑलस्टाप ते दूनीपोरा बश्कार परानी राष्ट्री जरनैली शिड़क दे राएं अग्गे बधाया जाग।

<><><><><><>